

ERANSKINA

TEKAZELentzako HOBEKUNTZA IKASTAROAK

2026. URTEA (urtarrila-ekaina)

UPV/EHUko IV. Euskara Plan Gidarian jasota dagoen moduan eta TEKAZELen hizkuntza-prestakuntza etengabe hobetu nahian, TEKAZELentzat hobekuntza ikastaro berezituak eskaintzen dihardu Euskara eta Hizkuntza Plangintzarako Errektoreordetzak.

2025/2026 ikasturtean, IVAPeK egindako berariazko eskaintzako zenbait ikastaro egin ahal izan dira udazkenean. Eta urte hasieratik ekaina bitartean, beste eskaintza hau egingo da batez ere langileei, jakintzatik erabilerara jauzia egiteko baliabideak eman nahi dizkiegulako.

Euskararen erabilera bultzatzeko, euskaraz idatzi eta hitz egiteko guneak sortu nahi ditugu, eta gune horiek ondoren lantokietaraino hedatu daitezela.

Saio hauetan, euskararen erabileran segurtasuna berreskuratzea da helburu nagusia. Eta horretarako erabili daitezkeen estrategiak aztertuko dira eta lanerako erregistro, lexiko, testu eta diskurtso motak jorratuko dira.

Deialdi honen bitartez 2026ko urtarrilean hasi eta ekainera bitarteko **HOBEKUNTZA IKASTAROETAN** izena emateko epea zabaltzen da.

Ikastaroak

Saioa	Non	Gutxiene ko HE	Helburua
"Euskarari beldurra kenduz, ahozkoan lehen urratsak "	Gasteiz, Donostia, Bilbo eta Leioa	1. HE	2.HEko azterketa gainditzeko atarian dauden langileentzat. - Euskararen erabileraren "beldurra" gainditzeko eman behar duten saltoa emateko laguntza.
"Oinarrizko jarduna ahozkoan"	Gasteiz, Donostia, Bilbo eta Leioa	2. HE	- Modu sinplean bada ere, naturaltasunez hitz egitea lortu nahi duten langileentzat bideratutako ikastaroa. 2HE egiaztatu duten langileentzat. - Euskaraz hitz egiteko guneak bilatzen dituztenentzat.
"Administrazioan ahoz komunikatzeko gaitasuna lantzen"	Gasteiz, Donostia, Bilbo eta Leioa	3. HE	- Beharrezkoak diren hizkuntza-baliabideak eta testugintzari loturiko aholkuak lantzea. - Testuaren kohesioa eta diskurtsoaren garapen orokorra eta egokitasuna lantzea. - Goi mailako mintzamena landu nahi duten ikasleentzat. 3.HE egiaztatu duten langileentzat. - Euskaraz hitz egiteko guneak bilatzen dituztenentzat. - Testu komunikatiboak sortzeko gaitasuna lantzea. - Lehentasuna izango dute 3HE egiaztatua duten langileak 4HE egiaztatua dutenen aurrean.

Aste kopurua: 21 (orientagarria)

Ordutegia: Talde guztiek ordutegi bera izango dute, 08:00etatik 10:00etara. Ezinbestekoa izango da ikastarora garaiz heltzea, eskola bi ordukoa da eta. Ikastaroa egiteko onartuei,

ikastaroak irauten duen denbora (soilik) emango die unibertsitateak. Horretarako baimenei buruzko gerentearen azken zirkularrean adierazita dagoena beteko da, batez ere 16.1.3. atalean dioena.

Eguna: Ostiraletan.

Hasiera data: Urtarrilak 23 (data aldatu egin daiteke).

Bukaera data: Ekainak 26 (data aldatu egin daiteke).

Lekua: Gasteiz, Donostia, Bilbo eta Leioan. Campusean bertan.

Taldeen antolakuntza:

Talde bat sortzeko gutxienez 6 ikasle beharko dira. Taldeak, gehienez, 15 ikasle izango ditu. Gutxienerako kopuru hori egon ezean, ikastaroa bertan behera geratuko da.

Onartua izateko baldintzak:

- Eskatzen den HE egiaztatua izatea.
- Zerbitzuburuaren onespena.
- Eskarian, datu guztiak ongi betetzea.

Oharra: Taldean lekurik balego eta ordutegiak ez badu bat egiten, liberazioa dutenek, aukera izango dute ikastaroan parte hartzeko, gainontzeko baldintza guztiak betetzen badituzte.

Eskariak antolatzeko irizpideak:

Kontuan hartuko dira hizkuntza eskakizuna, lan harremana, lanpostuaren unitatearen izaera eta antzinatasuna.

Lehenetasuna hauek izango dute:

- 2025/2026 ikasturtean, lanorduetan liberazioa ez duten langileak.

Izena emateko epea:

Eskariak aurkezteko epea **2025eko azaroaren 1etik 16ra** izango da. Ez da epez kanpo aurkeztutako eskaririk onartuko.

Nola eman izena:

Eskabideak **UPV/EHUren erregistro elektronikoaren bidez** aurkeztuko dira.

Horretarako, beharrezkoa izango da:

1. **PDF formatuan dagoen eskabide-inprimakia betetzea**, Euskara eta Hizkuntza Plangintzarako Errektoreordetzaren webgunean eskuragarri: <https://www.ehu.eus/eu/web/euskara/hobekuntza-ikastaroak-2026>
2. Inprimakia bete ondoren, **eskatutako gainerako dokumentazioarekin batera** bidali beharko da **UPV/EHUren erregistro elektronikoaren bidez**: https://egoitza.ehu.eus/opencms/system/modules/sede/contents/catalogo/registro_electronico?lang=eu
3. Erregistro elektronikoaren **"Hartzailea"** atalean, hautatu behar da: **Euskara eta Hizkuntza Plangintzarako Errektoreordetza**

Horretarako, identifikazio elektronikorako sistema hauetakoren bat erabili behar da: Izenperen ziurtagiri digitala, UPV/EHUren txartela (Izenpe), NAN elektronikoa, edo Diruaren eta Zerga Zigiluaren Fabrika Nazionalaren ziurtagiria (FNMT-CERES). Administrazio Publikoen Administrazio Prozedura Erkideari buruzko urriaren 1eko 39/2015 Legeak 14.e) artikuluan adierazitakoaren arabera, eta bat etorrita UPV/EHUko idazkari nagusiaren 2021eko apirilaren 28ko Erabakian adierazitakoarekin (erabaki horrek onartu egiten ditu interesatuak UPV/EHUrekiko harreman elektronikoetan identifikatzeko eta sinadura elektronikoa erabiltzeko jarraibideak, bai eta erakunde horretan lanean ari diren pertsonak identifikatu eta sinadura elektronikoa erabiltzekoak ere).

Era berean, berrespena aurkeztu ahal izango da sektore publikoko beste edozein erakunderen erregistro elektronikoan eta, ohiz kanpoko kasuetan, erregistro gaitan laguntzeko UPV/EHUren bulegoetan, aurrez aurre. Erregistro gaitan laguntzeko UPV/EHUren bulegoetan aurkezten diren eskaerak eta dokumentuak digitalizatu egingo dira administrazio espediente elektronikoan sartzeko, eta jatorrizkoak interesdunari itzuliko zaizkio, interesduna funtzionarioaren aurrean identifikatu eta horrela jarduteko adostasun espresua adierazi ondoren, bat etorrita UPV/EHUko idazkari nagusiaren 2021eko apirilaren 28ko Erabakian adierazitakoarekin. Erabaki horrek onartu egiten ditu gai hauei buruzko jarraibideak: erregistro gaitan laguntzeko bulegoak; eskaerak, idatziak edo bestelako komunikazioak funtzionario publiko gaituaren bidez aurkeztea UPV/EHU; eta funtzionario publiko gaituen erregistroa.

Onartu eta baztertuen zerrendak argitaratu:

- Behin-behineko zerrendak **azaroaren 21ean** argitaratuko dira.
- Erreklamazioetarako epea: **azaroaren 22tik 30era**. Erreklamazioak UPV/EHUko erregistro elektronikoaren bitartez aurkeztuko dira, **Nola eman izena** ataleko argibideei jarraituz.
- Behin betiko zerrendak **abenduaren 11tik aurrera** argitaratuko dira.

Ikasleei buruzko informazioa eta datuen babesa

Datu pertsonalen tratamenduari eta datu horien zirkulazio askeari dagokienez pertsona fisikoen babesari buruz Europako Parlamentuaren 2016/679 EB Erregelamenduaren 13. artikuluan eta Kontseiluaren apirilaren 27ko xedatutakoarekin bat etorritik, jakinarazten dizugu zure datuak UPV/EHUren ardurapeko fitxategi batean sartuko direla, bai eta honako alderdi hauetan ere: datuak «AZPkoen Euskara Hizkuntza Prestakuntza» izeneko tratamendu-jardueran sartuko dira. Euskara hobetzeko eta euskarazko hizkuntza-eskakizuna lortzeko prestatzeko ikastaroak egiteko eskabideak kudeatzea da tratamenduaren helburua.

Deialdi honetan parte hartzen duten pertsonen datuak ikastaroak ematen dituen enpresari jakinaraziko zaizkio. Datuak eskuratzeko, zuzentzeko eta ezabatzeko eskubideak baliatu ahal izango dira, baita beste eskubide batzuk ere, helbidean eskuragarri dagoen <https://www.ehu.eus/eu/web/idazkaritza-nagusia/babestu> informazio gehigarrian azaltzen den bezala. Tratamenduari buruzko informazio osoa hemen dago: <https://www.ehu.eus/eu/web/idazkaritza-nagusia/-/tg0061>

Miren Igone Zabala Unzalu
Euskara eta Hizkuntza Plangintzarako errektoreordea
Vicerrectora de Euskera y Planificación Lingüística